

1921 թ. հունիսին Բեռլինում տեղի ունեցավ Սոցդմոն Թեհերանի դատավարությունը, որը լայն արձագանք գտավ ամբողջ աշխարհում: Դատական նիստերին հրավիրված վկաների ցուցմունքները և բերված փաստաթղթերը լիովին հաստատեցին, որ երիտթուրքերի պարագլուխները, և հատկապես Թալեաթ փաշան, հանդիսացել են արևմտահայության բնաջնջման կազմակերպիչները: Դատարանը Սոցդմոն Թեհերանին լրիվ արդարացրեց⁹⁴:

1921 թ. Թիֆլիսում տեղորի ենթարկվեց նաև Ջեմալ փաշան: 1921 թ. էնվեր փաշան Միջին Ասիայում, գլխավորելով բասմալների պայքարը Կարմիր բանակի դեմ, երազում էր իրագործել իր ցնորամիտ պանիսլամական, պանթուրքական՝ Մեծ Թուրան ստեղծելու պլանները: Կարմիր բանակը ջախջախեց բասմալներին, իսկ նրանց պարագլուխ էնվերը Աֆղանստան փախուստի դիմելու պահին սպանվեց: 1922 թ. ապրիլի 17-ին Բեռլինում Արամ Երկանյանը, Արշավիր Շիրակյանի հետ տեղորի է ենթարկում Բեհաջղին Շաքիրին և Ջեմալ Ազմիրին: Թուրքիայի վարչապետ Սաիդ Հալիմ փաշան սպանվեց Հոռոմե 1921 թ. դեկտեմբերի 6-ին Արշավիր Շիրակյանի կողմից:

5. ԱՅ ԳԱՂԹԱԿԱՆՈՒԹՅՈՒՆԸ

Թուրքական յաթաղանից փրկված արևմտահայության բեկորները սփռվեցին աշխարհով մեկ: Օսմանյան կայսրության մեջ բնակվող 2,5 միլիոն հայ ազգաբնակչությունից կենդանի էր մնացել ընդամենը 850 հազար մարդ: Դրանից 200 հազարը կարողացել էր մի կերպ պահպանել իր գոյությունը Թուրքիայում, մոտ 200 հազարը՝ ակրազանցապես կանայք ու երեխաներ, բռնի կերպով մահմեդականացվել էին, 250 հազարը՝ ապաստանել էր Ռուսաստանում ու Անգրիկովկասում, իսկ 200 հազարը՝ տառապում էր Միջագետքի ու Սիրիայի ճամբարներում⁹⁵: 1916—1917 թթ. տարագիր հայերի մեծ մասը Միջագետքից ու Սիրիայից հանգրվանեց Լիբանոնում, Նեփտոսում, Ֆրանսիայում, ինչպես նաև Հարավային ու Հյուսիսային Ամերիկայում և այլուր: Այդպես ստեղծվեց հայկական սփյուռքը:

Կռվկաս ու Ռուսաստան գաղթեցին ալաշկերտցիները, հին բալազետցիները, վանեցիները, մշեցիները և ուրիշներ, որոնց թիվը ի հաշիվ նաև Կարսի, Արդահանի ու Արդվիկի շրջաններից փախած հայերի, աստիճանաբար ստվարանալով, 1918 թ. հասավ կես միլիոնի Ռուսաստանում ապաստանած արևմտահայ գաղթականների մեծ մասը տեղավորվել էր Արևելյան Հայաստանում: Սովը և համաճարակն օրեցօր նոսրացնում էին գաղթականների շարքերը: 1915 թ. միայն օգոստոս ամսին էջմիածնում քաղցի ու համաճարակի զոհ դարձան 4597 մարդ: «Մեր գոյությանը սպառնացող թշնամու արհիվիրքներին հետո,— գրում էին Երևանի գաղթականները,— այսօր ապրումսի ու եղանակի պահանջներն ավելի քան վտանգավոր կերպարանք ստացած են... Անոթի ու մերկ, անտուն ու անտեր ժողովուրդը, ներկա եղանակի խստություններու մեջ, ձգած է իր բախտին ու ասոր բմահաճույթին»⁹⁶:

⁹⁴ Դատական պրոցեսի մասին մանրամասն տե՛ս «Դատավարություն Թալեաթ փաշայի ու Ազգաբնական ղեկուցում, Վիեննա, 1921:

⁹⁵ J. Lepsius, Deutschland und Armenien... S. LXV.

⁹⁶ «Մշակ», 1916, 27 դեկտեմբերի, № 289.

Անդրկովկասի և Հյուսիսային Կովկասի գրեթե բոլոր քաղաքներում թափառում էին հազարավոր արևմտահայ գաղթականներ: Ռուսական կառավարությունն Անդրկովկասում հիմանդություններ կանխելու, հատկապես զործող բանակը համաճարակից դերժ պահելու նպատակով դիմեց մի շարք միջոցառումների, ի թիվս որոնց բաց թողեց նաև 25 միլիոն ուրլի՝ գաղթականներին օգնություն ցույց տալու համար:

Հանգանակություն կազմակերպեցին Ռուսաստանի ու Կովկասի հայաբնակ քաղաքներում գործող և նոր ստեղծված բարեգործական ընկերությունները՝ «Կովկասի հայոց բարեգործական ընկերությունը», «Նրևանի եղբայրական օգնության կոմիտեն», «Քաթվի հայկական ընկերությունը», «Մոսկվայի կոմիտեն» և այլն:

Տառապյալ գաղթականությանն օգնություն ցույց տալու ուղղությամբ մեծ գործունեություն ծավալեցին հայ բուլշևիկները: 1915 թ. Ստեփան Եսևույանի նախաձեռնությամբ Բաքվում ստեղծվեց «նպաստամատույց կոմիտեն», որը Կովկասի աշխատավորների շրջաններում գաղթականների օգտին հանգանակություններ կազմակերպեց:

Սակայն գաղթականների թիվն այնքան մեծ էր, որ ընկերությունների և կոմիտեների միջոցները չէին կարող բավարարել նրանց կարիքները:

Կովկասյան բանակի հրամանատար Յուդենիչը 1915 թ. ապրիլի 5-ի իր զեկուցագրում փոխարքա Վորոնցով-Պաշկովին խորհուրդ էր տալիս կանխել հայերի վերադարձը զեպի Ալաշկերտի, Դիաղինի, Բայազետի շրջանները, առաջարկելով այդ վայրերը բնակեցնել Կուրանից և Դոնից բերած կազակներով: Ցարական բանակի զլխավոր շտաբը Արևմտյան Հայաստանի գրաված մարզերում ստեղծեց օկուպացիոն ռեժիմ ու զինվորական հրամանատարություններ ենթակա ռազմավարչական օկրուգներ: 1916 թ. հաստատվեց «Քուրքիայի՝ պատերազմի իրավունքներով գրավված մարզերի կառավարման ժամանակավոր կանոնադրությունը», որի համաձայն գրավված տերիտորիան հայտարարվում էր Կովկասյան բանակի զլխավոր հրամանատարությանն անմիջականորեն ենթակա ժամանակավոր զինվորական նահանգապետություն⁹⁷, Այդ քաղաքականության հետևանքը եղավ այն, որ արևմտահայ գաղթականների սոսկ շնչին մասին հաջողվեց վերադառնալ իրենց ավերված օջախները:

1918 թ. սկզբին ռուսական զորքերը հեռացան թուրքական ռազմաճակատից, որից հետո թուրք զավթիչները նորից տիրացան Արևմտյան Հայաստանին: Զարդերից փրկված 150 հազար արևմտահայերը, որոնք վերադարձել էին իրենց հայրենիքը, ստիպված եղան կրկին բռնել գաղթի ճանապարհը:

1918 թ., երբ թուրք զավթիչները ներխուժեցին Անդրկովկաս, արևելահայերի մի մասը, իր մոտ ապաստանած արևմտահայ զանգվածների հետ միասին, թողեց հարադատ քաղաքներն ու գյուղերը, անցավ զեպի Անդրկովկաս և Ռուսաստանի զանազան վայրերը: Այսպես՝ Բաթումի շրջանից արտագաղթեց մոտ 20 հազար, Կարսի՝ 120 հազար, Ախալցխայի՝ 30 հազար, Ախալքալաքի՝ 80 հազար, Ալեքսանդրապոլի՝ 60 հազար, Էջմիածնի և Մուրմալուի գա-

97 Մանրամասն տե՛ս А. О. Арутюнян, Кавказский фронт 1914—1917 гг., Ереван, 1971, стр. 336—375: տե՛ս նաև Հայ ժողովրդի պատմություն: Հնագույն ժամանակաշրջաններից մինչև մեր օրերը: Խմբագրությամբ պրոֆ. Մ. Գ. Ներսիսյանի, Երևան, 1972, էջ 429—430:

վառներին՝ մոտ 80 հազար, Երևանի, Շարուրի և Նախիջևանի գավառներին՝ մոտ 100 հազար մարդ⁹⁸,

Սովետական Ռուսաստանը թեև գտնվում էր շափազանց ծանր պայմաններում՝ աշխուժանալու, բավական խոշոր գումար էր հատկացրել հայ գաղթականներին։ Միայն 1918 թ. հունվարին Սովետական կառավարությունը տվեց 6.194.783 ռուբլի, իսկ 1918—1919 թթ. տասը ամսվա ընթացքում՝ 10 միլիոն ռուբլի, 350 հազար արշին գործվածք, 30 հազար կտոր պատրաստի հագուստ և մեծ քանակությամբ կոշիկեղեն⁹⁹, Միաժամանակ հայ որրերի համար Սովետական Ռուսաստանի հարավային շրջաններում բացվեցին մանկատներ ու դպրոցներ։ Իսկ աշխատունակ գաղթականներն ապահովվեցին գյուղերում՝ հողով, քաղաքներում՝ աշխատանքով։



Հայ որրերը Ամերիկայում

Արևմտահայ գաղթականների սովետական իշխանություններին հղած բազմաթիվ նամակներից մեկում ասված էր. «Մենք Տաճկահայաստանի վրա իշխող բռնակալների երկաթյա ճնշման տակ դարձրել շարունակ արյուն արցունք թափող ժողովրդի բեկորներս... չգտանք աջակցող ձեռք, որը ի պատասխան մեր ողբերին, օգներ մեզ մեր կարիքի և վշտի մեջ, տանջանքների մատնված՝ մենք բարձր էինք տալիս մեր կյանքը՝ թափառելով սար ու ձոր, բաղցած և մերկ, միևնույն ոտք չդրինք այն հողը, որին հովանի է հեղափոխական կարմիր դրոշը — Սովետական ռեպուբլիկայի տերիտորիան»¹⁰⁰,

Աշխարհում մեկ սփռված արևմտահայ տարագիրների օգնության հասանձան հայկական գաղթօգջախներն ու մի շարք երկրների հասարակական կազմակերպությունները։ Ամերիկայի Միացյալ Նահանգներում «Ազգային

98 Տե՛ս «Կոմունիստ» շաբաթաթերթ, 1918, № 5:

99 Տե՛ս «Жизнь национальностей», 1919, № 34 (42).

100 ՍՍՀՄ ՀՀԹԿԳԱ, ֆ. 1318, ց. 40, թ. 104:

շահերի պաշտպանության միությունը», որը ստեղծվել էր 1915 թ. աշնանը, ամերիկահայ համայնքներում ձեռնարկեց հանգանակություն և հավաքած գումարը՝ 350 հազար դոլար, հատկացրեց Կովկասի, Պաղեստինի, Ռադդա-դի, Լիբանանի և Կ. Պոլսի արևմտահայ գաղթականությանը: Ամերիկայում հայ գաղթականության օգտին մեծ գործունեություն ծավալեց նաև «Հայկական բարեգործական ընդհանուր միությունը», որն ուներ 90 մասնաճյուղ: Այդ մասնաճյուղերում ընդգրկված էին ոչ միայն հայ համայնքների ներկայացուցիչները, այլև Ամերիկայի առաջադեմ գործիչները:

Տարագրված հայերին ընդունում, աշխատանքի էին տեղավորում և նրանց օգտին հանգանակություն կատարում Ֆրանսիայի, Եգիպտոսի, Հաբշտանի, Հնդկաստանի, Բիրմայի, Ռդոնեզիայի հասարակական կազմակերպությունները և հայկական համայնքները: Անատոլ Ֆրանսը, Վիկտոր Բերարը, Ֆերդինանդ Բյուսոն, Գուստավ Էրվին, պրոֆ. Միլլեն և մի շարք այլ նշանավոր գործիչներ դիմեցին աշխարհի ժողովուրդներին նշելով, որ հայերի քաղաքումը Թուրքիայում կատարվում է կառավարության հրամանով և որոշակի պլանով, որ սուլթան Աբդուլ Համիդի սկսած գործն այժմ շարունակում են երիտթուրքերը, ավելի անխնա ու շարանեղ միջոցներով: Նրանք կոչ էին անում օգնություն ցույց տալ արևմտահայության բեկորներին, որոնց հաջողվել է փրկվել «մեթոդիկ տնչացումից»¹⁰¹:

1915 թ. նոյեմբերի 16-ին Անգլիայի համայնքների պալատի անգամ Ա. Ուիլյամսը կառավարությունից պահանջեց միջոցներ ձեռնարկել հայ գաղթականներին օգնություն ցույց տալու համար: Այդ պահանջը պաշտպանեց Իոաննիսի ազգային կուսակցության առաջնորդ Օ'Կոննորը¹⁰², 1915 թ. նոյեմբերին լոնդոնում, բաղադրված նախագահության տեղի ունեցավ բազմամարդ միտինգ, որտեղ որոշում ընդունվեց հայ գաղթականների օգտին հանգանակություն անցկացնել: Միտինգում ելույթ ունեցան Անգլիայի պառլամենտի անդամ Բրայսը, արքեպիսկոպոս Բյորները, պառլամենտի անգամ Օ'Կոննորը¹⁰³:

«Հայկական միությունը», որն ստեղծվել էր լոնդոնում տակավին 1913 թ. հայ ժողովրդի պատմությունը, զբաղակցությունն ու արվեստն ուսումնասիրելու նպատակով, կազմակերպեց Անգլո-հայկական կարմիր խաչի ընկերություն և արևմտահայ գաղթականներին օգնելու ֆոնդ: Այդ միության նախագահ է միլա Թոբինգտը 1915 թ. հրատարակեց մի զիբը, որտեղ, բողոքելով երիտթուրքերի կողմից Արևմտյան Հայաստանում կատարվող զաղանությունների դեմ, կոչ էր անում Անգլիային միջամտելու նրա հայրը՝ Զոն Թոբինգտնը, որը «Դեյլի նյուս» թերթի խմբագիրն էր, անգլիական մամուլում նույնպես հանդես էր գալիս հայ գաղթականներին օգնություն ցույց տալու կոչերով: 1916 թ. լոնդոնում, Բրայսի առաջաբանով, լույս տեսավ հայ զրականության զասականների մի ժողովածու, որի վանագրից ստացված ամբողջ գումարը հանձնվեց հայ գաղթականների օգնության ֆոնդին¹⁰⁴:

1915 թ. Ադիս-Աբեբայի հայ գաղթախոր ստեղծեց «Հայրենակցական

101 ՎՍՍՀ ԿԳՊԱ, ֆ. 2, գ. 3196, թ. 102.

102 ՏՆՍ նույն տեղում, գ. 3198, թ. 9.

103 ՏՆՍ նույն տեղում, թ. 98.

104 ՏՆՍ՝ «Армяне и война», 1916, № 6, стр. 89.

միություն», որը Հարեշատան հասած գաղթականներին ընդունում և ապահովում էր աշխատանքով: Հայ ռադագիր բեկորների օգտին հանգանակություն կատարեցին նաև Հնդկաստանի, Ինդոնեզիայի և Բիրմայի հայկական համայնքները: Միայն Ռանգունի «Հայ բարեգործական միությունը» 1915 թ. հունիսին հավաքեց 18 հազար ռուպլի: Բիրմայի հայ համայնքները մեծ օգնություն ցույց տվին Հեռավոր Արևելքի երկրները հասած հազարավոր աղետ-լայներին Ամերիկա տեղափոխելու գործում: Ավստրալիայի հայկական գաղութը միայն առաջին հանգանակության ժամանակ հավաքեց 25 հազար անգլիական ոսկի:

Սակայն հավաքված ընդհանուր գումարը շատ քիչ էր աշխարհով մեկ սփռված հարյուր-հազարավոր հայերի ծանր վիճակը թեթևացնելու համար:

6. ՄԻՋԱՂԳԱՅԻՆ ԴԻՎԱՆԱԳԻՏՈՒԹՅՈՒՆԸ ԵՎ ՀԱՅԿԱԿԱՆ ՀԱՐՑԸ ՊԱՏԵՐԱՉՄԻ ՏԱՐԻՆՆՐՈՒ

Անտանտայի պետությունները թիպետե բազմիցս հայտարարել էին, որ կօգնեն հայերին իրականացնելու նրանց ազգային ձգտումները, սակայն, ինչպես միշտ, այս անգամ ևս օգտագործեցին հայերի թափած արյունը՝ իրենց նվաճողական նպատակներին հասնելու համար: Նրանք ամենևին էլ մտադիր չէին պատերազմի հաղթական ավարտից հետո անկախություն կամ ինքնավարություն տալ Արևմտյան Հայաստանին, ինչպես նաև Թուրքիայի լճի տակ հեծող մյուս ժողովուրդներին: Այդ մասին են վկայում Անգլիայի ու Ֆրանսիայի, իսկ այնուհետև Ռուսաստանի միջև տեղի ունեցած գաղտնի բանակցություններն Օսմանյան կայսրության և, մասնավորապես, նրա արարական տերիտորիաների, Արևմտյան Հայաստանի ու Կիլիկիայի ենթադաշտային բաժանման մասին:

Բանակցություններն սկսվեցին 1915 թ. դեկտեմբերին՝ լռելուծում: Անգլիայի ներկայացուցիչն էր մերձավոր արևելյան հարցերի գծով փորձագետ Մալթր Սալթը, Ֆրանսիայինը՝ Բելյուրի նախկին ղլխավոր հյուպատոս Ժորժ Պիկոն: Բանակցությունները վեր հանեցին այն խոր հակասությունները, որոնք առկա էին Անգլիայի ու Ֆրանսիայի միջև՝ արարական տերիտորիաների բաժանման հարցում: Երկար սակարկությունից հետո, 1916 թ. փետրվարին կնքվեց մի համաձայնագիր, որով զաշնակիցների կողմից պատերազմը շահելու դեպքում ներքին և հարավային Միջագետքում (Բաղդադի հետ միասին) հաստատվելու էր անգլիական տիրապետություն, իսկ արևմտյան Միջագետքը, Լիբանանը, Կիլիկիան, Ալեքսանդր, Ուրֆան, Մարդինը, Դիարբեքիրը և Հեթյարիի սանջակը հանձնվելու էին Ֆրանսիային: Արևելյան Սիրիան ու Մոսուլի վիլայեթը կազմելու էին Ֆրանսիայի ազդեցության ոլորտը, իսկ Պաղեստինը՝ հանձնվելու էր զաշնակիցների համատեղ կառավարմանը¹⁰⁵:

1916 թ. փետրվարին ռուսական Կովկասյան բանակն արագ թափով առաջ շարժվելով, մոտեցավ Միջագետքի ու Սիրիայի սահմաններին: Երկուդ կրելով, որ ռուսական զորքերը հեշտությամբ կարող են թափանցել արարական երկրները, լինգլիան ու Ֆրանսիան որոշեցին այդ երկրների բաժանման մասին քնդուծած իրենց որոշումները համաձայնեցնել Ռուսաստանի հետ: 1916 թ.

¹⁰⁵ «Раздел Азиатской Турции по секретным документам бывшего министерства иностранных дел». Под ред. Е. А. Адамова. М., 1924. док. № XXV.